

卷十八

宦蹟志

卷十九

鄉賢志

南龍續志卷十八 例目

條例

官蹟志

清代以前歷任官長如實惠及民確有政蹟可指或守城死難忠節可風者按時代先後開具籍貫出身并一切事實或
有名人紀載可依據者依次列入冊中

目錄

張 鎔

張元弼 王開藩附

李保衡 徐海李華斗附

陳廷樑

鍾開闡 周壽昌附

鄒元吉

蔣宗漢

談廷桂

南龍續志卷十八

南龍縣修志局纂修宋紹錫撰

宦蹟志

舊志名宦載至道光李年今自道光以後接續補傳惟予取纂嚴仍如其例不敢濫及所以勵官常也至名宦之稱出自朝廷非志乘所可私許因遵通例稱為宦蹟核實循名庶較穩愜續宦蹟

張鏌

張鏌字右甫一字春潭直隸南皮人舉人道光咸豐中兩任興義府知府前後凡十三年多善政最得士民心事實詳見所撰舊志茲難枚舉咸豐四年教匪亂作圍攻郡城時同城鎮兵悉調征遵義故賊乘之鏌率士民登陴拒守厯經艱險城賴以全隨募民團萬人親率

突圍擊賊斬首要赦脅從亂亦旋平厥功尤偉嗣以功升署貴東道
兼辦貴州下游軍務旋因積勞致疾遂卒距去郡方一年餘耳歿後
八年大吏以狀聞賜太僕寺卿蔭一子郡人請祀名宦以歿未及三
十年格於新例而止繼又因子孫官九卿以上不得請祀光緒三十
年閤郡士民乃私立遺愛祠以祀之子孫官顯宦者鏐第四子之洞
時官湖廣總督旋拜體仁閣大學士兼軍機大臣卒謚文襄以功業
文章著聞中外世所稱南皮相國是也

按郡官歷任之久莫鏐若惠政感人之深莫鏐若以及保危城平
大亂成功之速且偉尤莫鏐若宜乎請祀之殷共推名宦明德之
後必有達人誰謂天道不可憑民心不可恃而良吏不可為哉嗚
呼如鏐者可以鑒矣

張元弼王開藩附

張元弼遵義人舉人道光咸豐中官興義府教授工詩文循循善誘在任日久深得士心同治元年回事急元弼猶作二十四孝彈詞以醒世未幾城陷元弼投泮池以殉池水淺不死被賊救起旋仰藥卒同時有王開藩者官訓導助守危城晝夜巡視被賊礮傷左膀城陷死之妻繆氏殉焉後有司以事聞均贈卹如例

李保衡徐海李華斗附

李保衡字莘農浙江會稽人附貢生同治四年以知兵故由鎮甯州知州升署興義府知府時郡城為降回盤踞環境尤危降酋馬忠代安義鎮篆行甚跋扈常蹤降卒為民害保衡稍抑之銜甚會普坪苗王罰傭與貞豐賊通勢張甚保衡調兵設伏截擊擒斬頗衆罰傭詐

降誘忠酋往新城忠被戕新城賊率眾來攻郡保衡檄普安興義兩縣馳援未至忠部降卒內應獻城保衡聞變倉卒出至何家井遇賊被執不屈大罵遂遇害城復陷時有徐海者官府經歷當降卒獻城時海力阻之不聽被害又有冊亨州同李華斗者因公在郡亦及於難後以狀聞保衡贈卹有加准建專祠以海及華斗附焉光緒二十九年保衡子大椿署府事乃於府署側倉儲後立祠祀之

按保衡以身死賊可謂忠於君者其子大椿為父立祠可謂孝於親者也至海與華斗得附末光不虛一死亦云幸矣古今來忠臣義士湮沒不彰者何可勝道豈非以其時而又以其人哉吾於是不能不為古人悲吾於是不能不為今人喜

陳廷樑字幼芝四川華陽人同治十一年署興義府知府時郡城新復百廢待興廷樑安撫招徠不遺餘力繕治城郭修復署所建文峰書院於府經歷署舊址改經歷署於舊十八先生祠復修義社常平各倉民咸德之無何駐紮新城分縣之虎字營兵譁變郡城鎮兵謀響應廷樑召集民團得三千人防範綦嚴鎮兵志不得逞廷樑開誠撫慰兵心帖服事平後廷樑以一己應得之二成軍糧六千石分儲常平義倉防荒歉濟民食民尤感戴至今稱誦不衰踰年解任去郡民無計攀留乃立去思德政各碑以誌感後署貴陽銅仁鎮遠等府久之卒於官

鍾開蘭

周壽昌附

鍾開蘭湖南人光緒二年官安義鎮總兵時回亂初平勇多為患開

蘭規復軍制重建標營兵心翕然民情愛戴旋復嚴飭營汛會同團保清查奸宄以遏亂萌郡民至是方得再見太平也其後有周壽昌者安徽人光緒八年官安義鎮總兵以郡經兵燹後城中名勝悉燬無存壽昌銳意修復捐金為倡如珠泉寺火神廟天駟宮十八先生祠之得廟貌巍然馨香有寄者皆壽昌力也嗣因中法失和調赴前敵為仇帥所阨以憂憤卒於軍

鄒元吉

鄒元吉字迪人湖南靖州人舉人光緒十四年官興義府知府時郡城經兵燹後文風不振無可諱言元吉力以興復文教自任聘積學士主講文峰書院設培文局抽收毫捐助書院膏火時名諸生至署親為講論士心翕然旋以試院燬於兵元吉銳意修復庀材鳩工幾

付舊觀撰聯曰遺愛難忘嘗說張公為政前試院郡守張鎮建後塵繼步敢云
鄒魯多文不没人美不炫已長洵足稱也未幾以事去任未竟厥施
惜哉後調浙江嚴州府知府因病乞休卒於家

蔣宗漢

蔣宗漢字炳堂雲南鶴慶人光緒十四年官安義鎮總兵以花江為
通省要道路險渡危行旅苦之宗漢迭籌鉅款建鐵橋平道路化險
為夷民咸欽感十八年普安廳匪劉燕飛保老四等舉眾叛宗漢派
兵討平之並擒渠魁解省獻俘厥功尤偉無何粵邊游匪肇亂久不
平將擾及郡境宗漢選派勁旅扼守南盤江匪不得逞民賴以安旋
以功升任貴州提督卒於官予諡賜祭國史有傳

談廷桂

談廷桂字仲蓮江蘇常州人監生光緒十八年署興義府知府先是
郡署差風甚熾民怨久滋廷桂乃大加裁汰嚴為約束以事下鄉不
敢妄取民間一物剴切勸民息訟至誠感人民心翕服訟庭草長洵
不虛也無何普安廳匪劉燕飛反廷桂與總兵蔣宗漢派兵馳援擒
獲首要親為研訊雖逆匪不敢作遁詞事平後不居功賞亦不至廷
桂泰然也踰年去官久之卒三十二年廷桂子仁熙以通判代府事
人以為循良之報云

按郡官之賢者知府如吳宗蘭區維翰李祖章方奎等總兵如羅
孝蓮吳永安何雄輝李寶書祁以德等或以事實莫能詳或以生
存不立傳致未列入特附識於此俟後之續修者補傳焉

南龍續志卷十九例目

條例

鄉賢志

按德行政事文學武功忠義隱逸六門分別採訪惟須詳載事實必確有可傳者方能列入或有人志狀可憑者皆在應行搜採之例不能徇私空論意為去取

目錄

鄔井南

其孫孝淵暨時人徐謙附

黃紹奇

胡時高

梅毓華

侄秀芬秀谿附

桑錦芬

夏從德

張有垣

趙正邦

趙定邦附

鐘若瑤

張國華貴天乙曾叙笏

景其濬

弟其沅附

莊南華

高榮廷

史國書

宋杰

李占榮

景方鑑

吳正中

附同治回亂城陷殉難忠義士民姓名表

南籠續志卷十九

南籠縣修志局纂修宋紹錫撰

鄉賢志

舊志鄉賢限於題請入祀鄉賢祠者始得列入餘則多設名目各為表傳迹近方人殊欠允協今遵通例概為鄉賢而以所限門類核實撰補祇因人數無多不能如例分載謹按事實詳備確有可傳及有名人志狀可憑者依年次先後列傳於前至同治回亂殉難士民或從容就義或慷慨捐軀者多至數百人曾被贈卹入祀忠義茲不敢沒其姓名特為附表於後續鄉賢

鄔井南

其孫孝淵暨時人徐謙附

鄔井南字秋舫興義府人相傳為城西水桶山觀音寺老尼後身其

鄉賢

信然歟先是山寺老尼有道行圓寂時告其徒曰我當往生鄔家三日須往視爾輩幸毋忘徒果如期往至則井南生三日涕哭不稍止其父正憂之徒告以故出井南視徒哭立止及長好讀書性剛介不隨俗中嘉慶甲子舉人官直隸望都唐山等縣知縣以廉節稱聽訟折獄老吏愧弗及嗣以子亡孤弱乞歸去之日泣送盈途上官同僚爭相挽惜家居以詩書為務課孤孫教後學循循不倦陶然自樂其出處不苟如此久之卒知府張鏌表其墓著有秋舫詩集一卷府見舊志其孫孝淵字通甫生有奇稟性絕慧七歲能文下筆千言立就如夙構時張文襄公之洞年十齡隨宦在郡視孝淵為畏友因文襄過目成誦孝淵未過目而亦能誦也同時有徐謙者亦郡諸生性亦慧幼負神童譽惟視孝淵文襄則稍遜時人謂孝淵為生知文襄為學知

謙則為困知誠佳話也故附及之

黃紹奇

黃紹奇字偉庭一字發賓郡之北街人閩籍家貧從族人賈於黔善居積稱素封遂家興郡馬紹奇慷慨好施勇於為義捐白金六百有奇修東門外公河橋及龍井馬別橋硬谿孔坡脚諸路見舊志善行表咸豐四年教匪亂作進攻郡城知府張鏌知紹奇勇而好義優禮使之召募民兵數百人助戰守城賴以全十年回變薄郡城紹奇又出資募兵三百人親率出城擊賊於西鄉洒雨場為賊所困援不至突圍決死戰力竭遂被害賊銜紹奇刺骨並取其首以去郡人聞耗如失長城莫不痛哭踰年城即陷後郡人景其濬官禮部侍郎以狀聞因紹奇係知府職銜贈太僕卿銜給予雲騎尉世職入祀鄉賢

胡時高

胡時高字漢廷郡之北門外草紙街人性任俠精拳術負神勇名見義勇為老而益壯咸豐四年匪亂作攻城急知府張鏌檄時高率民兵數百人突圍出城繞賊後當擊敗賊於小莊陽箐等處卒解城圍無何回亂又起狎苗悉變知府鄭訓達又檄時高率鄉勇擊賊於尖山殲賊甚衆賊痛恨各路圍攻時高退至官橋遇伏力不敵戰歿人咸悲慟洎事平有司以狀聞贈卹如例子遇椿以世職官貴州提標叅將遇林武舉人官都司

梅毓華

侄秀芬
秀谿附

梅毓華字春圃郡之西門外大坪人咸豐九年普安廳大坡鋪回逆作亂毓華以軍功帶兵隨知府胡霖澍前往招撫回不聽毓華折回

至耙耙舖遇伏戰歿梅秀芬字傑三毓華侄廩貢生曾官廣西凌雲縣知縣因事乞歸咸豐十年奉檄率鄉勇數百人往晉安之青山等處勦賊貲糧不給秀芬鬻產充之師久無功餉援斷絕秀芬與賊決死戰力不敵被害妻龔氏聞耗投河死焉梅秀谿字俊三亦毓華侄以軍功投效趙營咸豐十一年趙德昌率大兵來援郡城秀谿率隊先行與賊戰於魯屯之穿洞賊據險要屢攻不克力竭死之後均贈卹如例入祀忠義

桑錦芬

桑錦芬字瑞丞郡之東門外黃土坡人世職咸豐十一年官郡城中營守備旋署右營都司中營游擊並權安義鎮總兵篆務時回勢已張攻城甚急錦芬籌防籌守備極辛勤城圍久貲糧苦不給錦芬鬻